



摩訶般若波羅蜜大明咒經

後秦三藏鳩摩羅什譯

摩訶般若波羅蜜大明咒經



清刻龍藏佛說法變相圖

摩訶般若波羅蜜大明呪經

後秦三藏鳩摩羅什譯

觀世音菩薩行深般若波羅蜜多時照見五  
陰空度一切苦厄舍利弗色空故無惱壞相  
受空故無受相想空故無知相行空故無作  
相識空故無覺相何以故舍利弗非色異空  
非空異色色即是空空即是色受想行識亦  
復如是舍利弗是諸法空相不生不滅不垢  
不淨不增不減是空法非過去非未來非現  
在是故空中無色無受想行識無眼耳鼻舌  
身意無色聲香味觸法無眼界乃至無意識  
界無無明亦無無明盡乃至無老死無老死  
盡無苦集滅道無智亦無得以無所得故菩  
薩依般若波羅蜜故心無罣礙無罣礙故無  
有恐怖離一切顛倒夢想苦惱究竟涅槃三

世諸佛依般若波羅蜜故得阿耨多羅三藐  
三菩提故知般若波羅蜜是大明呪無上明  
呪無等等明呪能除一切苦真實不虛故說  
般若波羅蜜呪即說呪曰

竭帝竭帝 波羅竭帝 波羅僧竭帝

菩提僧莎訶

第八

十

摩訶般若波羅蜜大明呪經